

# Stotinu povrijeđenih u zemljotresu u Iranu

19 Jan 2012 Izmijenjeno 23:11 CET

**Nema podataka o smrtno stradalima u zemljotresu koji je pogodio sjeveroistok Irana**



Epicentar zemljotresa bio je oko 70 kilometara od šiitskog svetog grada Mašhada [AFP]

U zemljotresu jačine 5,5 stepeni po Richteru koji je u četvrtak pogodio sjeveroistok Irana povrijeđeno je oko 100 osoba, javila je državna televizija. Epicentar zemljotresa bio je oko 10 kilometara od grada Nejšabura, a oko 70 kilometara od svetog grada Mašhada, prenijela je iranska zvanična agencija IRNA. Do sada je registrirano još 36 manjih potresa, a u selima u blizini Nejšabura oštećene su neke zgrade i polomljeni prozori na kućama.

Iran se nalazi na nekoliko velikih seizmičkih pukotina.

Novinska agencija ILNA prenosi da je zemljotres trajao sedam sekundi i da je to bio najjači zemljotres u ovom regionu u posljednjih deset godina. Prema mjesnim medijima, uslijedilo je desetak slabijih podrhtavanja tla u tom području. Mnogi dijelovi Irana su podložni zemljotresima, podsjeća Reuters.

Iran se nalazi na nekoliko velikih seizmičkih pukotina.

Najmanje sedam osoba je poginulo 2010. godine kada je zemljotres pogodio jugoistok zemlje, oblast u kojoj je veoma jak potres 2003. godine usmrtio blizu 31.000 ljudi u gradu Bam.

*Izvor: Al Jazeera*